



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Eyn Sermon von dem Bann

Luther, Martin

Wittemberg, 1523

VD16 L 6303

Zum ersten

**urn:nbn:de:hbz:466:1-35500**

## Ihesus.

Zum ersten/ Die weyll woz gehöret/  
wie das sacrament des heyligen leychnās  
Christi/ist eyn zeychen der gemeynschafft  
aller heyligen/ist nu von nöthen auch zu  
wissen/was d Ban sey/der durch macht  
geystlichs stands yn der Christenheyt ge-  
braucht wirt/den seyn furnemlich eygent-  
lich ampt vn macht ist/dz er eynen schul-  
digen Christen menschen beraubt/vn yhm  
verbeut das heylige sacrament / daumb  
kan eyns on dz ander nit verstanden wer-  
den/die weyl sie widdernander sind / denn  
dz wortleyh/ Cōmunio/zu lateyn heysset  
gemeynschafft/vn so nennen das heylige  
sacrament die gelerten / da gegen ist das  
wortleyh/Exco munitio/dz heysset ent-  
setzung der selben gemeynschafft / vnd so  
nennen die gelerten den Ban.

Zum andern/ die gemeynschafft ist  
zwoyerley/ gleych wie ym sacrament zwoy  
dinc sind / nemlich das zeychen vnd die  
bedeutung/wie ym sermon gesagt ist. Die  
erst gemeynschafft ist ynnerlich/geystlich/  
vn sichtbarlich ym hertzen/dz ist/ so yhemād